

**Dissertatio medica inauguralis, de phthisi pulmonali a tuberculis oriunda / [John Rutter].**

**Contributors**

Rutter, John  
University of Edinburgh

**Publication/Creation**

Edinburgi : Balfour et Smellie, 1786.

**Persistent URL**

<https://wellcomecollection.org/works/kv95rrer>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

38692  
1

DISSERTATIO MEDICA,  
INAUGURALIS,  
DE  
PHTHISI PULMONALI  
A  
TUBERCULIS ORIUNDA.

QUAM,  
ANNUENTE SUMMO NUMINE,  
Ex Auctoritate Reverendi admodum Viri,  
D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

NEC NON  
Amplissimi SENATUS ACADEMICI consensu,  
Et nobilissimae FACULTATIS MEDICÆ decreto;

PRO GRADU DOCTORIS,  
SUMMISQUE IN MEDICINA HONORIBUS AC PRIVILEGIIS  
RITE ET LEGITIME CONSEQUENDIS;

Eruditorum examini subjicit

J O A N N E S R U T T E R,  
A N G L U S,

Societ. Physic. Edinenf. Soc. Honorar.  
et Praefes Annuus;

Societ. Reg. Med. Edin. Soc. Extraord.

Nec non,


Societ. Nat. Studiof. Soc.

Ad diem 24. Junii, hora locoque solitis.

E D I N B U R G I:  
Apud BALFOUR et SMELLIE,  
Academiae Typographos.

M,DCC,LXXXVI.

Dr Young,  
with best desires  
for his future welfare & happiness;  
from his sincere friend  
John Rutter





Avunculo suo,

GULIELMO BROWNSWORD,

in Cumbria

Jurifconsulto,

Vitae integerrimo,

S.

JOANNES RUTTER.

*Quoniam tu, cognate dilectissime, tot et tanta in me beneficia contulisti, sit tibi hoc opusculum, studiorum meorum primitiae, tuo nomine inscriptum, grati animi indicio.*

Edin. Id. Jun. }  
7<sup>mo</sup> die 1786. }

# GUTHRIE'S NEW METHOD

of the

Language

of the

## JOHN RUTTER

Author of the "New Method of Teaching the English Language," and of the "New Method of Teaching the French Language," &c. &c.

Vol. 14. 100.  
No. 100.

DISSERTATIO MEDICA,

INAUGURALIS,

DE

Phthisi Pulmonali, a Tuberculis  
Oriunda.

**Q**UANTUM de saeculis jamdudum praeteritis novimus, per nostram hanc insulam saeviit *Phthisis Pulmonalis*, quotannis eam compluribus incolis suis orbans; ab ea neque est immunis vegeta juvenus, nec eandem summa cura propulsare, aut etiam lenire, penes medicos fuit haecenus. Quis ergo miratur, aliquem honores medicinae summos aggredientem, velle morbum aetati juvenili adeo infestum tractare?

Atqui, ut rem ipsam aggrediar, exhibebo ejus definitionem, quam equidem nobis suppeditavit Cullen. ill. \* :

A

Corporis

\* Synops. Nosol. Method. ed. 4ta, 1785, vol. ii. p. 158.



‘ Corporis emaciatio et debilitas, cum tussi, febre  
 ‘ hectica, et plerumque expectoratione purulenta.’

## ENARRATIO SIGNORUM.

Insidiose viam sibi struit hicce morbus, praegressio non alio, subinde oboriens. Tussi primo vexatur aeger, sicca, non valida, brevi, crebra; diu perstat eadem; nec interea malum intentans augurantur, vel ipse decubiturus, vel sui. Aeger frigore applicato citius solito adfici potest. Deincips, *Catarrho* praesertim accedente, ingravescit tussis; atqui diutius, quam solet *Catarrhalis*, commoratur: Magis timenda equidem, si quando sub aestate accrescat †. Valde gravatur pectus; spiritus aegre recipitur, atque spirandi ambulatione labor auctus.

Aegro decumbente, est tussis vehementior. Mortonus celeb. inquit, aegrum magis tussire, si in unum latus, prae altero, conquiescat. Noctu praesertim conamina sua irrita, quietem relegantia, exercet tussis; exsomnia ideo nox absumitur; proinde, ex lassitudine, marcor et segnities: Taedio est omnis exercitatio, et inertia placet sola. Sub initium dolores lancinantes, vel pectus, vel ejus latera, torquent. Sub  
 sternum

† Vide Illust. Cullen. first lines, vol. ii. sec. DCCCXC.

sternum plerumque primo resident isti, et maxime inter tussendum, vel graviter respirandum, sentiuntur: Saepe autem latus alterum solummodo, id vero constanter vexant, tanta vi, ut ne equidem in id absque molestia reclinetur corpus: Iidemque vel *Catarrho* ingruente, vel quatiante tussi, adhuc magis intenduntur. Levis adest horror. Dolor, necnon et calor, dorsum, artus, atque eorum articulos, obsident \*.

Signa jam memorata, aliquando per menses, immo annos, augminis expertia permanent; facilius autem interea frigus laedit; et *Catarrhus* exinde accessionibus suis infestat. Morbo durante, tussis gravior; amoto, iterum sublevatur.

Quum sic se res apud aegrum habeant, mala ejus omnia, si auxilia idonea non admoveantur, ingravescent; tussit assidue; noctu interdique somnus procul; inter cibum sumendum, a tussi vexatur adeo, ut mox quodcumque ingestum vomitu rejiciatur; et equidem a pastu ferme semper hoc subest. Dolores circa thoracem nunc temporis etiam magis recrudescent. Aegrius et celerius reciprocatur spiritus. Clangosa fit vox et rauca. Quasi obtunderetur acies, videntur oculi hebetes, minusque micantes. Pallet autem vultus languescens, atque iners.

Adhuc a tussi excreatur nihil: Sed, quando ea diu agitaverit aegrum, expuitur, praecipue horis matutinis, materiei aliquid, spumosae primum, parcae, et nonnunquam



nunquam fanguine striatae \* ; fecernitur autem postea haec copiosior, viscidior, et minus pellucida : Coloribus quoque ejus variat eadem, nunc lutea, nunc viridis, vel cineracea ; foetet insuper, purulenta †. Sputo sic se habente, decrescunt, magis atque magis, aegri vires. Mulierum cessant menstrua ; quae res, negante equidem sexu, a viris illustrissimis ‡, pro effectu potius quam causa morbi habetur.

Pulsus, ineunte morbo, sanum simulat ; et equidem, quamdiu supersunt plura e symptomatis jam recensitis, idem perstat. Attamen, ut optime monet illust. Cullenus §, quum non diu, multa febrem signantia adfuerint, celerius solito pulsatur. Idem observavit clar. Mortonus || : scilicet, quod ‘ pulsus, pro gradu febris, aliquatenus celerior est, quam par sit.’ Ab aliis equidem, pulsus non modo celerem, sed etiam durum esse, indicatum reperimus : Tactui quoque instar chordae offendens ; interdum etiam plenus esse dicitur.

Alia autem symptomata praeter pulsus a solito verum sese obviam ferunt. Febricitare incipit aegrotus ; atque exinde sub vespere exacerbat : Etenim exinde adhuc magis citatus fit pulsus, augefcitque calor et fitis. Febricula remissionem mane subit ; sudore e-rumpente, plus minusve corporis humectante, mitescunt omnia : Per breve tempus haecce febris recrudescebat abnormis.

\* In Phthisi a tuberculis orta rarius haemoptysis se prodit.

† Morton Phthif. p. 126.

‡ Praeclar. Fothergill et Cullen.

§ First lines DCCCXCIII.

|| Phthif. p. 123.

abnormis. Demum autem prae se fert notas *Hecticae* febris; cujus singulis diebus accessiones binae adoriuntur; haec, circiter meridiem, ingruens, illa autem mediam noctem; levior autem haec illa. A languore frigente, interdum etiam horrente, vesperi orditur febris: Huic superveniunt calor auctus, fitis, inquietudo, tussis magis et vehemens et crebra, pulsus citatior, respiratio aegrius alternata. Pectus gravatum; necnon dolor magis acerbus; qualia denique ab aegro somnum omnino fugent. Hoc modo progreditur febris accessio usque ad horam circiter 2dam matutinam iras accendens suas; deinceps sublevatur pedetentim: Leniora fiunt omnia: Absistit calor; plus minusve ubertim aut late exudatur; fit pulsus, qualis ante morbum, plenusque; si excipias, quod subinde sanitatis numerum superet; rarior nihilominus quam in febre. Aegro aliquid levaminis est; tussis praeterea interquiescit; neque enim tam vehementer ingruit, aut saepe, neque tantum coarctans. Majori necnon copia et facilius excreatur: Dulcis, vel falsus, vel eximie ingratus, sputi sapor est. Dolores pectoris levantur; nunc quoque somno aeger fruitur: A somno autem minime relictus, hebes atque pallens expergiscitur. Pergit exinde per aliquot horas febris imminuta; immo intervallis aeger ab ea aliquando ferme vacat.

Redintegratur etenim, quanquam lenior, circa meridiem accessio febrilis: Nec defuere, qui opinati sunt, cibum meridianum eandem accessionem concitare;  
hanc



hanc autem sententiam Cullenus sagass. ex suis observatibus refellit; affirmans, scilicet, accessionem horae spatio meridiem antecedere, vel subsequi; nec prandio, nec cibi sumptioni, quodammodo conterminam esse: Circiter horam quintam postmeridianam, febris aliquantulum remissionis patitur; atque hanc remissionem denuo alia accessio, eundem peractura cursum, et similia exhibitura, gradatim conficit.

Dum sic progreditur morbus, magis interea febris *Hectica* penitus infidet, viresque suas adauget; ineunte vero eodem, anorexia, urina subrubra, vigilia, calor extrema corporis, praecipue autem pedum plantas, volasque manuum perstringens, febrim comitantur. Corpus totum propere macrescit. Genis et equidem extremo mento offunduntur rubores circumscripti, dum reliqua insigniter pallore contristantur. Labia quoque solito ruberiores fiunt. Rubor autem vasorum tunicae oculi adnatae evanescit: Oculorum globi exalbidi fiunt; colorem, quasi lactis et aquae commistorum, accipientes\*.

Lingua, ingruente morbo, albescit; at versus intima oris lutea videtur; nitescit equidem, quum jam ad extrema perventum sit, rubescit necnon ejus apex.

Os plerumque, ut olim, madet, nec interea fitis immodica molestat: Eodem tempore, et fauces, aequae ac lingua,

\* Nec aliquid signum praeter hoc, una cum rubescente lingua, postulat sag. Cullenus; ita enim ab eo accepimus, ut statueret, tamen de omnibus aliis ambigeretur, febre *hecticam* revera obortam esse †.

† In Praelect. de Praxi Medica.



lingua, calescunt ; videntur inflammatae, et *Aphthis* obducuntur.

Urina usque ab incepto malo parca, rubra : Rubrum sedimentum quoque, vix unquam vasis fundum pertingens, ubertim deponit.

Appetitus ad cibum assumendum, per totum morbi decursum, haud multum depravatur.

Adstricta est alvus, sub morbi exorsum ; ex progressu vero soluta fit ; et ejus *Diarrhoea* colliquativa dicta, cum sudoribus alternat ; sudoribus, scilicet, coercitis, *Diarrhoea* profluit, emanantibus, sistitur \* ; quo fusius necnon profunduntur sudores, eo largius invicem ex alvo dejicitur ; et vice versa.

A morbo insuper fere nascenti, functiones omnes suas fractas quasi, et debiles, laborans persentiscit ; quod equidem indies accrescit, ut indies accedunt omnium ultima. Luridum nunc aspectu corpus totum, moerorem injiciens : Tabescunt etenim omnes artus. Vultus pallore et tristitia insignitur. Subsidunt oculi, acuuntur nares, eminent malae, et tempora cavantur : Raptim ingeminantur omnia quibus terror adest et lethum, usque ad vim adhuc insuetam cito concrefcentia. Deciduum capillamentum. Incurvati fiunt ungues ; et oedemate pedes afficiuntur ; *Diarrhoea* augefcit magnopere.

\* Illustr. Monro, in praelection. suis praestantiss. dixit, sibi comparuisse, diarrhoeam interdum tussi praecedentem ; opinaturque, diarrhoeam hancce eidem fere causae, ac tussis, tribui debere ; nempe, quoniam a tuberculis in pulmonibus tussis, a glandulis induratis mesentericis, similiter ortum trahat.

re. Tuffis autem, fputum, sudoresque nocturni minuantur, atque febris lenitur. Aft aeger, viribus jam omnino prostratis, faepe linquitur animo. Paucis necnon ante supremum diebus, mente quodammodo alienata, delirat nonnihil : A morbo equidem immunis et illaefa permanferat mens haftenus ; fovebat quoque fanitatis fpes refocillans, fed inanis et fallax. Deinceps vix ad fputum ejiciendum fufficiunt vires, et inflans fuffocatio angit, ufquedum mors, malorum ultimus pactor, e medio tollit miferum.

Haftenus de fignis ; quae equidem in eodem ordine non femper proveniunt ; nec eodem temporis fpatio curfum fuum peragunt ; aegrum etenim interdum funeri intra paucos menses transfunt : Saepius autem per annos cunctantur ; nunc acerbiora, nunc quiefcentia : Hyeme valentia, aestate ferme fublata ; aft iterum fidere brumali vehementius recrudefcentia, tandem interimunt. Interdum vero, nec tempeftate, nec coelo lenita, fed acriter et pertinaciter urgentia, cito a vivis auferunt.

## DE DIAGNOSI.

Maximi eft momenti, quod ad ufum medicum, ut nonnulli morbi, *Phtifin* fimulantes, ab illa quam accuratiffime difcernantur.

Inter



Inter alias revera *Phthiseos* species, Tabem et *Atrophiam* atque hanc *Phthisin* veram seu legitimam pulmonibus, una eum ea ingruente, male affectis, facillime internoscitur.

Sub initium autem, haerere solet medicus, dubitans, an *Phthisis Pulmonalis* adsit, an *Catarrhus*. Diuturnior etenim gravedo, formam sibi tam similem *Phthiseos* adrogat, quod nonnulli medici, et praesertim recentiores \*, ad istos morbos non modo signis solitis, sed natura sputi, quod ab ambobus excreatur, inter se invicem distinguendos multum operae impenderunt. Inter progrediendum vero, fatis longe discrepant.

Arida et levis fere semper per menses aliquot a *Phthisi* invadente tussis est; interdiu plerumque mitior, post intervalla longiuscula nec certa, subitura: Noctu saevius et vehementius laceffit, accedente quoque difficili respiratione. Gravatur pectus immodice, et exagitat a pastu vomitus †. Molestus, in hoc illudve latus, est decubitus. Haec in *Phthisi*.

In *Catarrho* autem contra, ferme a primo impetu tussi excreatur aliquid plerumque tenue: Eademque etiamsi noctem aequae ac *phthisica* inquietet, violentior tamen est, nec ferme unquam cessans: Neque interea tanto pondere ac in *Phthisi* pectus gravante laborat iste, cui contingere talia. Nec vomitus subsequitur pastum; nec aegre recumbitur.

B

Constat

\* Sennertus Pract. Med. l. ii. p. 204. Morton, Ed. Lond. 1689. p. 126. Ill. Cullen. first lines, vol. ii. p. 359.

† Quod signum tanquam pathognomicum habuit Morton.



Constat igitur ex praegressis, discrimen notabile inter *Phthisin* et gravedinem intercedere; quoniam, in *Phthisi*, aridius, levius, et rarius tussitur; quoniam pectus est magis gravatum; quoniam cibi sumptio vomitum ciet; et decubitus in latus plus doloris affert.

Medici vero iis, quae jam prolata sunt, parum confisi, quoniam *Phthisin* inter et *Catarrhum* solito graviores non semper in promptu *Diagnosis* sit, excretae materiae cujusque perscrutari naturam aggressi sunt. Expuitur autem in *Catarrho* mucus, pus autem in *Phthisi* quum jam confirmetur. De utroque igitur, ut penitius, quid sit inter ea, discernatur, facta est indagatio exquisita; et utriusque dotes, cum iis quae exinde pendent, sollicite uti mos, Cullenus illust. enumeravit; statque ei sententia monstrandum iri, an pus, an mucus egeratur a sequentibus; praesertim si in unum conferantur: Posuit enim distinctionem exhiberi,

1mo, *Colore*.—Mucus natura tralucet; opacum pus; mucus necnon obscurior, vel flavet, vel albescit, raro autem inficitur, sicut pus, virore.

2do, *Spissitate*.—Viscidior enim est sincerus mucus, magisque tenax: Idem insuper in aquam minime diffunditur; nec cum ea, etiamsi agitetur, sese miscet, natans scilicet quasi moles rotunda in ejus superficiem: Pus autem, si eodem modo agitetur, in frustra laciniosa spargitur.

3tio, *Odore*.—Mucus vix unquam, pus saepe foetet: Olent equidem ambo foede, si prunis superinjiciantur; nec amplius odore inter se distingui possunt.



4to, *Gravitate specifica*.—Levior super aquam natat mucus; dum pus fundum petere solet: Errore vero, quod ad hoc discrimen, fortassis implicemur; pus etenim, immisto aëre, levetur ab eo; et mucus, orbatus eodem, deprimatur.

5to, *Specie*.—Sputum flavescent, vel subviride, alieno quodam pellucente involutum plerumque pus habendum est; translucens autem mucus.

6to, *Rebus*, quae forte adjiciantur, salibus, scilicet. Experimenta enim a C. Darwin ingen. instituta docent. 1mo, Mucum ab Acid. Vitriol. magis quam pus solutilem esse: Mucum ab aqua solutioni adjecta, iterum diffociari: Et sese vel in aquae superficiem efferre, vel flocculorum forma per eundem fluitare. Pus interea ex aqua adjecta in fundum praeceps ferri, et succussum per eandem ubique dispergi. Praeter haec, *alkali causticum* pus aequae ac mucum adripere: Pus autem, aqua admista, sejungi, mucum minime.

7to Febre *Hectica Phthiseos* affecla, potissimum de discrimine inter eam et *Catarrhum* ejus simulatorem, intercedente liquet: *Catarrho* equidem febris adjungitur: ast nequaquam *Hecticae* characterem vendicans; videlicet, quae scriptoribus jure celeberrimis, puris in corporis quibusdam partibus congesti, indicium minime negligendum perhibet.

Idem ideo, febre *Vomicae* pulmonum accedente, etiam si ab ore nihil purulentum expuatur, suspicandum est; in morbo necnon *Psoadico* quamvis a signis externis minime indicatum.

## DE CAUSIS.

In duplicem merito distribuuntur ordinem causae, a quibus inter se consociatis, nascitur hicce morbus : Primus, ea quae morbo obnoxium reddunt corpus ; alter, ea, quae corpori jam obnoxio admota, suscitant morbum ipsum, complectitur.

I. In ordine primo causae sequentes enumerandae sunt :

*1mo*, Habitus corporis avitus. Unicuique proclivitatem ad quosdam prae aliis morbos inesse, nemini non patet. Quum vero hoc satis pateat, de eo morari minime est opus.

In morbis compluribus, proclivitas haecce, rebus quibusdam mutatis, facile et ipsa mutatur : In paucis tamen stabilis et diuturna infidet : Atque in his, a firmorum fabricatione congenita, magis quam fluidorum dotibus, utpote quae nunquam sibi constant, pendere videtur : Est enim adjuncta corporis exterioris formae cuidam propriae ; et eam magis respiciens, quam fluidorum dotes. Quanam vero sit haecce solidorum fabrica peculiaris, nec ex observatis, nec ratione liquet : A parentibus ad prolem defertur ; atque exinde *Phthisicorum* liberi, annis labentibus, et ipsi tabescentes, evafuri sunt.



2do, Conformatio quaedam; scilicet quae a thorace angustiori, collo longiori, humeris alatis, corpore exili et procero, constat.

3tio, Temperamentum quoddam sanguineum audiens; seipsum, cute molli, et albicante, genis rubentibus, firmorum teneritate et lentitia, prodens: Ingeniū necnon acumine, mentis aucta levitate, et vi imaginatrice vivaciori, stipatum. Plus sentit genus nervosum, et irritanti cuicunque magis obsequitur. Tale forsan temperamentum, non secus ac innata constitutio, aliaque similia, ad solidorum fabricam primitus delineatam, referenda. Et equidem a parentibus ad propaginem, aeque ac, et corporis et oris lineamenta, mentis necnon propensiones, demitti videtur.

Idem *Phthisi* est ac *Scrophulae* temperamentum, quantum adhuc innotuit: Utrique enim adest idem vultus rubor, eademque cutis mollities et teneritas, eadem ferme corporis externa facies, firma ad eundem modum laxa et flaccientia, eadem necnon animi mobilitas, idem acumen: Eidem corpori insuper, signa non solum *Phthiseos Pulmonalis*, sed etiam *Scrophulae* glandulas conglobatas tumefacientis, saepe eodem tempore contingunt: Nam corpore a *Phthisi* marcescente, et glandulae submaxillares, et *Parotides*, imo *mesentericae* tumore adfici observatae sunt. Talia propter, inter medicos, orta est opinio, nexum, *Phthisin* inter et *Scrophulam* asperiozem, arctum intercedere: Addequod *Scrophula*, sub pubertatem e conspectu decedens demum, sese apud



pud interiora recondat, eaque inquinet \*, iterum in forma *Phthiſeos* eruptura. Discrepant ſolummodo iſti morbi, quod ad aetatem, quae hujus vel illius tentationi magis pateat : *Scrophula* enim adſoritur ineunte vita ; exorditur autem raro annis jam maturis ; rarius adhuc, et equidem rariffime, aetate provectos, aggreditur. *Phthiſis* contra, annos inter decimum quintum, plerumque et trigefimum quintum interpoſitos, praecipue infeſtat ; antea vel poſtea, ferme nunquam oboriens.

Ex talibus praemiſſis ; temperamenti, ſcilicet, utrique morbi proclivis ſimilitudine, necnon ſignis ſimul, et in eodem habitu concurrentibus, ſequentia inferamus ; viz. *Phthiſin* a tuberculis oriundam ad ſcrophulam pertinere : Poſterior enim, prout varietur ejus ſedes, varias induit ſpecies : Non aliter quam tabes quaedam affectus glandularum meſentericarum ſtrumofos, et tumorem inferentes, ſequitur lethalis.

II. Secundus Ordo complectitur ea quae, quoniam morbum ſuſcitant recta, cauſa dicuntur excitans.

Noxa ea, quae ſola ad huncce morbum vere inducendum valet, et de cujus, cum eo, cognatione, ab obſervationibus iteratis, et accurate factis, liquet fatiſ, tubercula nempe, obviam venit.

Caeterae revera cauſae, quae, ut fertur, eundem procreant, i. e. *Catarrhus* et *Haemoptiſis*, in hoc loco praemittendae ſunt ; utpote quae ad talem gignendum nequaquam

\* Ruſſel, Oeconomy of nature. Gregor. in Praelect. Clinicis.



quaquam semper pares sint: Namque raro equidem *Catarrhus* in eum abiit; et si quando adstantibus causa excitans visa fueret, aegro tamen defuncto, resectoque ejus cadavere, plurima in pulmonibus inventa sunt tubercula; ideoque sola, pro morbi causa excitante, habenda: *Catarrhus* ob haec, si quis causam esse velit, ut inter remotiores recenseatur, oportet.

De *Haemoptysi* eadem ferme dicenda sunt. *Phthisis* etenim minime constanter subsequitur \*: *Phthisis* autem quandocunque lethiferae praegressa sit *Haemoptysis* (nec raro praegreditur) tuberculis plerumque compluribus obsessos esse pulmones, monemur †. Tubercula igitur morbi, quam tractamus, praecipuas procul dubio causas esse, ponere fas est.

Ut haec res magis eluceat, bifariam digeratur: Et tuberculi, 1<sup>mis</sup>, quae sit natura; 2<sup>do</sup>, qualis origo, differamus.

I. Quod ad primum spectat, *Hippocrati*, artis medicae auctori, minime ignota fuisse videntur tubercula quibusdam corporis partibus infidentia: Dixit etenim, quod circa pubertatem ‘χοιράδης, δε τ’αλλα φυμαία ‡,’ inter complures alios morbos oriri solent. Vim eorundem insuper *Phthisin* inducentem haecenus fere omnes agnoverunt medici: Dolentes autem interea, quod, et modos quibus, vel nascentia tollerentur, vel in pejus, amutationibus

\* Vide Tulpius l. ii. c. xi.

† Morgagni de Caus. et Sed. Morb. Epist. 22. 14. 15. et etiam Moron, l. 3. c. 5.

‡ Ιπποκράτης. ΑΦ. Τμήμ. τριτ. κς’.



tationibus quas in hoc morbo subire solent, ruentia, occurrerentur, ignorarent.

Quod attinet eorum veram atque propriam naturam animum distrahunt, medicorum quae hactenus prolatae sunt, opiniones diffidentes. Glandulas lymphaticas fuisse tumefactas et induratas, existimarunt tubercula Morgagni ill. et Morton \*. Alii †, contra, tales, pulmonibus esse, negantes, sententiam longe diversam in animum inducunt, utpote qui opinentur, ea quae reperta sunt minime glandulosa esse, sed ex spissata lymphâ confecta; etenim quum resercentur, laevia videntur, et quadam materie, cartilagine referente, impleta. Atque revera consentiunt ista, quae, quod ad materiem a qua conflantur, ab his observata sunt, cum iis, quae prioribus innotuere medicis. Morgagni nec iners, nec inanis scrutator, asseveravit, seipsum in istiusmodi tuberculis invenisse ‘triplicem materiam, alia (tubercula scilicet) pure, alia, substantia mellea, pleraque autem, et haec quidem minora, materia steatomatosa referta.’ In pulmonibus, inquit Hoffmannus ‡, eorum, quos interemerat *Phthisis*, infederant tubercula scirrhusa, nodosa, materia tophacea, calcarea, seu putrida scatentia. A tali rerum, quibus tubercula constant haecce, varietate, ea nec lympham, ut quidam volunt, coactam, nec spissiore

\* Phthis. l. 2. c. 3.

† Stark. Med. Comm. vol. 1. Reid. vide Essay on Phth. Pul.

‡ Vol. 2. p. 285.



spiffiorem redditam esse, probatur saltem, si nil praeterea.

Attamen si, ut tantas lites dirimere aggrediatur, imperito venia detur, me haud leviter ad sequentem conductionem proponendam fert animus; scil. quod, glandulas lymphaticas, vel induratas, vel quodammodo male affectas esse tubercula, a verisimilitudine minime abhorreat: Nec ab hac sententia cedendum est, ob id, quantumcunque sit, quod aliqui laborarunt, glandulas lymphaticas pulmonibus inesse, abnuentes: Namque,

1mo, Lymphaticae videntur istae subnigrae glandulae, qua in ramos diducitur *Trachea* sitae, defunt enim iis ductus excernentes\*: Atque in lymphaticis pulmonum vasis, qualis in glandulis jam memoratis talis est reperta materies subnigra: Quae igitur ratio, quare pulmoni non insint penitiori glandulae, etiamsi ob exiguitatem minus patentes, aegriusque degetendae sint, commonstrans?

2do, Glandulis hisce nigricantibus, apud bronchia similes repertae sunt: ‘Occurrunt,’ inquit Leber, ‘nullae et in ipsis bronchiis†.’

3tio, Quoddam certe, nec id inutile, quamvis revera non satis adhuc liqueat, natura moliens, vasa lymphatica antequam ad cor usque prevenerint, per glandulas conglobatas ubique deduxit. Quum sic, quod ad corporis reliqua se res habeant, ratio ob quam pulmoni,

C

organò

\* Vide Praecl. Monro praelectiones.

† Praecl. Anatom. p. 296.



organo cavernoso, glandulae similes, simili modo non interponantur, minime patet.

Quoniam a talibus praemissis, glandulas lymphaticas revera pulmonibus inferi arguatur, easdem tumidas, tubercula fieri, solummodo probandum est. Quod equidem constat,

*1mo*, Quia accuratissime quam maxima observantibus \*, inflammata comparuerunt. Quod si ex lymphaspiissiori constitissent, nequaquam in iis potuerit suboriri inflammatio.

*2do*, Quia saepe, imo, ni fallor, ferme semper, quae inflammationi omnigenae conjunguntur, tubercula comitari observata sunt: Pus nempe, et istae propemodum eadem vicissitudines, ac quas inflammationes, ubicunque fuerint, haud resolvendae subeunt.

Hisce prolatis, glandulas idcirco lymphaticas tumefactas, atque obduratas, in ea quae tubercula adpellantur, abire, mihi forsan statuere liceat.

II. Paucis autem de tuberculi origine differendum. Quandocunque in pulmonibus primo nascuntur tubercula, mutationem haud semper accipiunt confestim: In exemplis quibusdam, aliquamdiu, indurescentia, schirrosa, nequaquam dolentia, cessant; neque insuper defuerunt alia, ubi eadem, in pulmonibus eorum, qui morbis ab hoc diversis succubuerunt, etiam si viventibus fuisset nulla pulmonum affectio, fatis notanda contigerant. Nata in pulmonibus tubercula, ad quasdam mutationes

\* Morton, Morgagni, Hoffman, Cullen.



tationes fubeundas, propter res plus minusve corpus adficientes, prout ejus in morbum propensio plus minusve recta fit, observantur proclivia. Monuerunt equidem auctores, *Catarrhum* saepius integrascentem, ad eadem inflammatione accendenda, posteaque ad suppurationem usque inducendam, valere: Agnoscitur equidem plerumque, abnuentibus perpauca, quod inardere possint: Et inflammatio corripiens ea videtur esse, quae apud medicos audit passiva; tarde enim progreditur; nec illam, quae signent acutam, comitantur: Ad suppurationem necnon, saepe imo, quantum novimus, semper spectat; atque materies exinde genita occlusa est in sacculis plerumque; tales enim sunt *Vomicae* magis magisque a rebus quas continent cumulatis, usque dum disrumpantur, turgescences; expuitur deinceps ore id a quo conflatae erant: Attamen materies egesta, eam, quae pus laudabile nuncupatur, nequaquam refert. Complura quoque hujusmodi sunt ulcera in pulmonibus nata, nec facile sanationem accipiunt.

Haec res, scil. ulcerum natura sanantibus repugnans, collata cum ea vulnerum, quae pulmonibus alioquin secunda valetudine fruentibus inflicta sunt, et materiem laudandam ejicientia curationi cesserunt, opinioni minime a verisimilitudine abhorrenti occasionem praebuit; nempe, quod ulcerum materies horum, nociva quadam acrimonia imbuta sit; quae sanationi prorsus obfians, cuncta *Phthysos* signa demum inferat; eadem nec non corpori interfuisset, prius tuberculis ipsis primordio



mordio existens, quam morbus sese in conspectum edidisset. Varia haec acrimonia creditur. Talis autem saepissime videtur, qualis scrophulam comitatur; et equidem a *Phthisi* pulmonali, una cum *Scrophula* tam saepe coalescente, ut et a *Phthisi* eos, qui impuberès *Scrophula* laboraverant, postea aggrediente, haud parum augetur hujus sententiae verisimilitudo: Proclivis insuper ad *Phthisin* strumosorum proles: Et uterque morbus eidem temperamento praecipue infestus est; *Phthisis*, postremo, strumosis oboriens, eadem, ac a tuberculis prognata, prae se fert signa.

Necnon ab *Exanthematum* acrimonia, tuberculum nasci habetur: Nec hoc vero absimile: *Variolas* etenim atque *Morbillos* subsequens *Phthisis* interdum observata est: Talium scilicet acrimonia, vel tubercula edere, vel jam edita, accendere, potest. Modus autem, quo hoc efficiat, aequè ac strumosae acrimoniae dotes, tenebris obvolvitur. Quoniam igitur hic desit aperta ratio, ad hypothetica confugiendum est; quanquam ista, falsis adeo foecunda, veri nihil ferme suggerant.

Tuberculis acrimoniam syphiliticam originem subinde praebuisse fertur. Clar. Morton, adolescentulam, postquam *Venerea Lue* pertinaci et diuturna vexata erat, in *Phthisin* pulmonalem incidisse memorat; eandem vero auxiliis idoneis, ab utroque morbo liberatam esse: Nulla, ut refert idem, signorum, quae tubercula pulmonibus agnascencia indicare solent, obviam tulere sese: Nullus adfuit dolor, nec aegre in hoc illudve la-



tus recumberet illa. Sed, quoniam *Phthisis* a tuberculis oriunda, plerumque, imo fere semper lethalis sit, inferre licet, ex tam fausto in femella exitu, tubercula adhuc nulla enata esse: Raro, equidem, me iudice, *Syphilida* subsequitur *Phthisis*: Nec unquam fortassis (ut ab Cullen \*, et Morton † ipso notatum est) nisi corpus eidem valde opportunum fuerit antea.

Sunt et alia, quae quodammodo tuberculis confociantur; de iis autem, quoniam nihil adhuc satis ratum offendit adnimadversio, filere tyronem et decet, et oportet.

Apud medicos quosdam peritissimos diu percrebuit opinio, quod contagio diffunderetur pulmonalis *Phthisis*: Cum hac consentiunt multi ‡, quippe qui crederent eam ab aegrotantium halitu etiam in sanis adstantibus excitari posse. Sed aliorum experientia (saltem in his plagis) nil tale comparuit §; ii igitur, et inter eos praecipue Cullen, sententiam talem, et observationes jam recensitas,

\* Vide First Lines, vol. ii. p. 337.

† Phthisiol. l. 3. c. 7. Morton inquit, 'verum, ut rem ipsam loquar, rarissime, si unquam, phthisin pulmonalem veneream observavi, praeterquam ubi pulmones jam prius obstructi, et in phthisin dispositi fuerant.'

‡ Vide Sennerti Pract. Med. l. ii. p. 202. Hoffman, vol. 4. p. 170. Schenkii Obser. l. ii, Obs. 133. River. Cent. I. Obs. 99. et etiam Morton Phthis.

§ De hac re nunc maxime dubitare cogor; quoniam exemplum quoddam et quidem notabile mihi retulit clar. Monro, in quo proculdubio constabat, *Phthisin* pulmonalem ab adfecta muliere in sanam ad morbum nec forma nec corporis habitu proclivem, communicatam fuisse.

recensitas, prorsus respuunt. Res equidem fortassis aliter sese habeant sub sole torrenti, et a contagio vagetur morbus.

## DE CAUSA PROXIMA.

De causa proxima, paucula equidem dicenda sunt. Mutationibus, quas, progrediente morbo, subire tubercula solent, rite perpenſis, constabit, *Vomicam* et ulcera succrescentia, maximi esse momenti, quod ad signa praecipua postea generanda. Quamvis enim in quibusdam cadaveribus *Phthisi* interemptorum, ne etiam ulcera minima detegi possint; (sicuti Willis \*, et de Haen †, annotarunt); ex omnibus tamen, quae non pauca, Morgagni, Hoffmannus, Bonetus, et alii, protulerunt in medium, pulmonum altius ulceratorum, exemplis simul assumptis, et inter se collatis, eorundem ulcera *Phthisi* proximae causae esse praecipuae statuere nefas haud videtur.

DE

\* Willis de Med. Op. p. 159. ait, 'Plurimum ab hoc morbo Phthisi defunctorum cadavera aperui; in quibus pulmones, ulcere quovis immunes, tuberculis aut lapidibus, aut materia sabulosa, per totum confiti fuerunt.'

† Rat. Med. vol. i. c. 11.



## DE PROGNOSSI.

Nunquam, etiam ab ipso ortu, periculi expers est hicce morbus aestimandus : De eo autem plus minusve metuendum est, prout plus minusve, extrema versus ventum sit. *Phthiſeos* talis species, si revera speciem nuncupare liceat, habetur omnium maxime funesta.

Quum, sub primum incursum, tussis levior agitet, nec interea graviter aut dolor, aut pulmonum male affectorum signa laceſſant ; quum nec febris cunctis propriis notis insignita, totum corpus accendat ; quum alvus sit modice adstricta, nec marcor inficiat, subest spes recuperandae salutis ; praesertim auxiliis idoneis cito adhibitis.

Infauſta autem contra, imo mortem intentans evadit *Prognosis* ; siquando talia magis adhuc ingravescant signa ; praecipue vero si, aegri viribus jam prostratis, incumbat febris *Heſtica* quotidie in pejora prolabens ; si marcescens totum corpus attenuetur ; si aegre spiritus alternetur ; si in latus affectum aeger nequeat decumbere ; si tussis valde inquietet, sputum pus referens et copiosum excreans ; si mane largus sudor eliminetur, vel alvi profluvies moleſtet, pedibus interea oede-

mate

mate sufflatis, de salute merito desperandum est: Etenim talibus implicitus, vix unquam convaluit homo, quasi a manibus ipsis surreptus, et a rebus tam exitiosis, tamque letho confociatis, vivax usque.

In utero autem gerere, saepe *Phthisin* progredientem distulit: Faeminae nihilominus post partum, ab ea, iterum adhuc acrius aggrediente, interimuntur demum.

Mania *Phthisi* laboranti accedente, signa interdum mitigata sunt, interdum etiam sublata: Eadem vero decedente, *Phthisis* recrudit, et trucidavit.

#### EXPLICATIO SIGNORUM.

E signis haec se magis palam gerunt, aegrius illa exponuntur, et equidem sunt, quorum nulla forsitan ratio haecenus prodiit. Occurrit autem inter prima tussis, arida ingruente morbo, nec conquassans adhuc; ei causae videtur esse irritatio a tuberculis jam natis, et jam inflammandis, *Tracheam* eximie delicatam per consensum adficiens; non secus ac calculo in vesica urinaria latente, vel re quacunque urethram irritante, ad ejus os, vel titillatur vel pungitur: Aut *Scybalis* in *Dysenteria* haud dejectis, intestino Recto, et ad anum irritatio laceffit: In *Phthisi*, res similiter provenire videntur. Ast, progrediente morbo, quum pus, materiesve alia sit extussienda  
large



large, ingeminantur nifus violenti, nunc et convellent : Stimulans enim vis ejus, quod tracheae interiori valde fentienti haeret, folito major, tuffim ejectionem nequaquam leniter infligat.

Pectus gravatum, &c. proxime fubeunt; oriunda fcilicet ex fanguine per pulmones aegrius tranfmiffio : Pars enim utriufvis vel forfan amborum tuberculis refertur; vel, in pus dilapfa, valde moles imminuitur; laborat ideo et gravatur ea pars quae fana fupereft, fanguinem folito more immiffum vix emolians; inde neceffario fpirandi frequentia et moleftia; inde pectus oneratur incumbente quafi pondere.

Vomitus a pafu fubit tertio; qui aegro equidem permoleftus ventriculo inter tuffiendum valde fuccuffo, forfan adfcribendus eft: Partim quoque forfan irritationi fauces vexanti: Valet enim faepe ea fola ad vomitum ciendum.

Ad febrem *Heticam* proxime fpectandum eft. De caufa hanc febrim concitante, lites inter medicos actae funt diu et acriter: Nec etiam hodierno die convenit apud eos, quae caufa fit. Plures equidem puri reforto febrem iftam adjudicare voluerunt; alii autem hujusmodi fententiam prorfus abjecerunt; fingentes interea *theorias* fibi proprias, fed quales fignis refponfuras opinati funt, quamvis revera fallaciis undantes. En ea \*, quae fola, nuper in lucem edita, hic verfanda eft; viz. Tubercula pulmonibus innafcentia vias obftru-

D unt,

\* Vide Reid's Effay on Phth. Pulmon.

unt, quas aer permeaverit ; comprimitur exinde et coarctetur halitus ab iis qui debuit ablegari ; nec, nisi meatibus alienis et sibi et naturae, dispergi potest : Ex hac igitur nociva fluidorum parte retenta febrem *hecticam* oriri hujus *theoriae* artifex opinatur ; remittit enim febris quum foras ista pars emanet : Ob ea igitur, tubercula scilicet obstantia halitui e pulmonibus aliter egressuro, quotidie congeritur hoc nocivum in corpore, quotidie febris redintegratur. Obveniunt autem pauca confectaria huic objicienda : Bis enim in die crudesciente febre, dubitetur, an in corpore coacervari possit, dum remittatur, tantum materiae istius, quantum ad accessionem denuo inducendam par sit ; et equidem hujus materiae debita atque necessaria quantitate concessa, restat adhuc quod, non sine causa, objiciatur : Consequitur enim ex hac sententia, quo magis pulmones obstruantur vel tuberculis referantur, eo acrius intendendam esse febrem : Ast, utrum haec sic sese habeant, manet adhuc explorandum ; nec haecenus comparuit ab iis, quae revera exstiterunt ; namque pus saepe egeritur, quum febris *Hectica* vix orsa sit ; et necesse est, ut, a tuberculis oriente *Phthisi*, autequam hoc egeri possit, ista tubercula non solum formata fuerint, sed et inflammationem et suppurationem subierint ; multa ante igitur tubercula pulmones obsident, quam febris ingruit : Quare idcirco, si obstructio talis ad materiem hanc in corpore cumulandam, tantum conferat, tunc temporis abest *Hectica* febris ? Revera talis opinio nequaquam explet animum ; confugiendum est  
igitur



igitur ad eam, quae, a plerisque amplexa, hanc febrem a reſorpto pure ortum ſuum ducere ſtatuit : Nec tamen etiam pure in corpore collecto ſemper oritur ; id vero mite, et, ut cum *Chirurgis* loquar, laudabile videtur eſſe : Aſt, cum acrimonia imbutum ſit, facilius inquinat, et lymphatica magis ſtimulans citius in totum corpus reſorbetur, omnigena *Heſticae* febris ſigna mox illaturum : Talis videtur, materiae a pulmonum ulceribus profluente, et omnino eorundem ſanationi obſtans, in eſſe acrimonia.

Ad *Diarrhoeam* cum ſudoribus alternantem deinceps progrediendum eſt. Vix unquam illa profluere incipit, uſquedum in praecipiti res agatur, vel ſaltem morbus inveteraverit : Quotidie vero a toto corpore ferme prius exudat largus humor, quam haec valde laceſſit, deinceps interdiu, reſpreſſo ſudore, divertitur ad inteſtina humor, et dejicitur ; ceſſans, iterum emanante ſudore ; nempe, ob nexum ſeu conſenſum inter inteſtina et corporis exteriora intercedentem.

Signa praecipua haec : At quorundam aliorum ratio penitus inter arcana latet ; palam autem, ea debilitatis, marcoris, ſimiliumque.

## DE METHODO MORBUM TRACTANDI.

Aegre equidem expeditur, quicumque in hunc morbum incidit; ab eo tamen cura idonea, et arrecte observando praecaveri potest. Consonat, praecipue quod ad hunc morbum, sententia ista, quae inter medicos valet maxime, scilicet, quod a causis excitantibus quibuscunque, vix nisi corpore primitus, et ipso ex ortu, vel a rebus fortuitis antea, eidem opportuno, concitari possit: Non enim, nisi exquisita opportunitate, a causis excitantibus admotis, tam facile cietur morbus. Proclivitatis igitur hujusmodi cognitio maximi momenti erit medico, quippe cui, aliquem eidem propensum, ut evitet ea quae excitent, monendo, solitosque contra morbos istum praegredientes, imo fortasse gignentes, obnitendo, vitam a malo tam formidato usque ad senectutem immunem protrahi posse, fas sit ostendere. Ab eo quamvis revera ii quibus inest opportunitas adhuc propensior, nec summa cura nec omni auxilio possunt eripi; aggreditur, faevit, interimit.

Quoniam vero inter hanc morbi speciem, seu potius varietatem, de qua nunc agitur, aliasque ejusdem parum interfit, praeterquam quod haec clarius cum habitu strumoso conjungatur, eadem ferme curandi, in  
illa,



illa, ac in his, instituenda est methodus: Alia quidem sunt, quae huic prodesse, illis autem nocere fuere visa. De his autem postea.

Medendi consilium, quod primo, et quasi sponte menti obvenit, ut ea, quae excitent, evitemus, postulat: Attamen id nobis, quomodo tubercula formanda reprimamus, prorsus ignorantibus, revera inutile est.

Alterum deinde consilium se profert, ut morbi causam proximam, qualis antea est recensita, *i. e.* pulmonum ulcerationem, vel corrigamus, vel omnino tollamus, indicans: Fatendum est autem interea, quod modi, quibus haec efficiantur, sunt nobis prorsus ignoti: Parti ulceratae, plurima admoveri non possunt, neque eandem ab aere, ulcera, innotuit enim omnibus, praecipue exasperante, tueri penes nos est. Et quamquam, ulcere ad corporis exteriora sito, se aliter habuissent, fortassis huic, aequae ac cuicunque ulceri strumoso, medendi difficultas, eadem vel major adfuiisset.

In his ergo rerum angustiis, quoniam neque tubercula efformanda praevertere, neque eorum ulcera medicari, queamus, mutationibus ad quas spectant, et a quibus oritur morbus, occurramus.

Et ad hunc scopum attingendum sufficiant forsan, quae sequuntur, consilia.

I. Inflammatio tuberculorum reprimenda est,

a. Venaesectione.

b.

b. Regimine *antiphlogifico*.

c. Refrigerantibus.

II. Sanguis a pulmonibus avertendus est \*,

a. Exhalationem per cutem augendo,

aa. Indumentis idoneis.

bb. Exercitatione, qualis scil. musculos non nimis valido concitet.

cc. Corpus in temperie modica et aequabili fervando,

b. Exinanitionibus ex quibusdam corporis partibus; quae efficiantur,

aa. *Epispasticis*, setaceis, fonticulis.

bb. Sanguinis detractione topica.

c. Emeticis.

III. Mitiganda sunt quaedam graviora signa, scil.

a. Tussis,

aa. Opio.

bb. *Demulcentibus*.

b. Diarrhoea,

aa. Opio.

bb. *Astringentibus*.

cc. *Mucilaginibus*.

dd. Acidis.

I.

\* Clar. Physiologus de utilitate hujus consilii valde dubitat; nam quoniam necesse est ut omnis sanguinis per pulmones transeat, nihili est in quam corporis partem divertatur: Talis igitur ratiocinatio parum beneficiorum, quae certe ab hujusmodi remediis proveniunt, causam attingit.



I. a. Ineunte morbo, quum jam pectus dolor afficiat, gravetque oppressio, quum spirandi adfit difficultas, febre interea quasi magis ad inflammationem spectante, celebranda est venaesectio; etenim tubercula tunc praefertim accenduntur. Auxilium tale in hoc morbi stadio praecipere solent medici fere omnes; iterandum revera, usquedum signa paulum minuantur, nisi vel magis adhuc langueat pulsus, vel debilitas universa atque marcor ingravescentes prohibeant. At quum morbus sit provector, et corpus emacietur valde, aut nunquam aut rarissime, nec sine observantia summa, utendum est idem; utpote quod, etiamsi cruciatibus levissimi fugaci quidem et levi sit, vires tamen aegri deficientes jampridem, magis usque frangendo, mortem citius infert. Variet autem sanguinis mittenda quantitas, prout diverse se habeant aegri aetas, sexus, robur, mores quibus antea consueverat, signorum necnon violentia, et anni tempestas: Atque ex iis simul assumptis praebetur morbi tractandi norma, multo praestantior ea quam scriptores \* quidam non immerito celeberrimi, sancitam vellent: Scil. quod, in hebdomade sanguis bis terve, aut aliis quibusdam temporibus certis, detrahendus; quasi semper ejusdem faciei esset morbus, et eadem signa semper proferens, cursum eundem temporis eodem spatio constanter perageret.

\* Sydenham Proc. Integ. Boerhaave in Aph. 1200. dixit, morbum curari posse 'Venaesectioe larga 3tio quoque die ad 4tum usque vicem repetita, vel donec crusta inflammatoria integre disparuit.'



geret. Neminem vero latet, quam longe aliter omnia solent evenire: Quo maturius igitur signa vel in pectora ruant, vel secunda polliceantur, eo citius mutanda est curatio. Et, si quando ea, quae pulmones laborantes signant, a generali sanguinis detractione parum subleventur, ad remedia ejusmodi localia, quantum liceat, nosmet recipiamus; de his autem postea.

I. b. Regimine quoque *antiphlogistico* sub morbi exorsum utendum est: Evitandus calor fervidus, *Diathefin Phlogisticam* intendens: Sint animi adfectus suaves, lenes, nec unquam violenti: Moneatur aeger, ut moestitiam et aerumnas, pariter ac furorem, aufugiat: Sedulo etiam est cavenda exercitatio, quaecunque musculorum validiora conamina postulet. Hujusmodi autem regiminis pars nulla magis quam aegrotantium diaeta medicorum attentionem vendicat: Eandem enim, nec plus justo tenuem aut jejunam, ut et haud nimis nutrientem, ut stimulo validiori praeditam oportet esse; atque talis est lactea, in seculis jamdudum elapsis collaudata: Quaque saepius et largius quam hodierni, usi fuisse videntur antiqui medici. Animalium et ruminantium et aliorum lac medicis in usu fuit: Asinarium autem omnibus fere aliis antetulit experientia; quia nec coagulis tam cito, quam alia, conspissatur, nec idcirco tam facile in ventriculo cogitur: Quinetiam ei inest plus, pro rata parte, sacchari, minus autem casei, et butyri, quam caeteris: Atque propterea digestu est magis aptum. Si vero lactis asinari quantitas sufficiat, non in promptu sit, humanum aut equinum



quinum omnibus aliis, eo excepto, longe praececellunt : Attamen nec large nec facile consequenda ; in locum igitur eorum sufficiatur vaccinum. Incommoda, a lacte coacto oriunda, evitandi forsan gratia, serum praecipue caprini praeceptum est ; ob virtutes ejus eximias laudibus, in quibusdam *Angliae* et *Cambriae* partibus, insignitum.

Omnia haecce parum stimulantia, nutrimentum solummodo mediocre impertiuntur ; *Diathefin* ideo *phlogisticam* parum foventes, pulmones haud ulterius accendunt : Leniter praeterea alvum plerumque liquant : Et equidem ut ea, morbo inchoante, liquetur, necesse est.

Si autem ventriculus acido exundet, adjiciantur lacti, vel terrae *alkalinae* ad istud obtundendum, vel sales quidam : Nec defint jam memoratis, farinarea, *sago*, *salep*, aliaque id genus, leniter quae stimulant, modiceque alunt \*. Aegro quoque fructus maturi nec parce ad aestus febriles compescendos permittantur. Sin vero vix sat regimine isto et diaeta solvatur alvus, quae laxent, sicuti *Rhabarbarum*, *Manna*, *Senna*, &c. adhibenda ; eadem autem prope morbi exitum perniciofa sunt, et sedulo fugienda.

E

Eodem

\* Professor ex. Gregory in Praelectionibus clinicis, memorat, seipsum *Phthisin* a quibusdam propulsasse commutando dietam talem imbecillam cum validiori, nempe carnibus et mero. Quaeratur inde, annon, quodocunque certiores sumus *Phthisin* cum *Scrophula* conjungi, regimen magis solito roborans, aegris talibus adhibere licet ?

Vide Conspectus Med. Theor. Gregor. vol. 2. p. 351.

Eodem collineantes, praescribimus aegro remedia quaedam, scil. I. b. refrigerantia : Aft nitrum, et acida *mineralia* et *vegetabilia* refrigerant : Nativum vero acidum *vegetabile* cunctis hujusmodi anteponendum : Non solum corporis calorem temperant eadem, sed etiam putredini fluidorum prorsus, ut fertur, obstant : Necessesse est, autem, si fauces irritantia, tussim cieant, ut confundantur cum quibusdam *mucilaginosi* ; qualia sunt, *mucilag. sem. cydonior. infus. sem. lini*, vel cum *emulsion. amygdal. dul. aut sem. papav. alb* †.

Attamen, progrediente morbo, cum jam febris *Hectica* aegrum invaserit, omnia haecenus memorata remedia parcius admovenda sunt : Marcor enim nunc, atque debilitas curam medici omnem sibi arrogat. Augebunt multa in hoc corporis statu adversa signa, et ideo vires, quantumcunque liceat, sustentandae.

II. Quoniam sanguis quomodocunque ad interiora pulsus, morbos apud ea inflammatione signatos praecipue adauget, consilium hic positum utilissimum fore constat : Ad pulmonum vero, multo magis forsan quam ad ullius organi interioris morbos, recte spectare hoc videtur. Eorundem enim parte quacunque tuberculis obseffa, atque propterea sanguinis ibi circuitu impedito, in vasa sana erit immiffa quantitas solito major : Sin autem tubercula jam ceperit inflammatio, ab ejusdem transmeantis aucta quantitate augebitur et illa : Profecto igitur, quaecunque auxilia sanguinem ad exteriora

† Fothergill Med. obs. et inq. vol. iv. p. 289.



exteriora divertant, pulmonibus plus minusve levamini erunt.

Divertitur autem sanguis ad superficiem vestimentis idoneis, scil. (II. a. aa.) indusio laneo proxime cuti applicato, ut corporis calor proprius contineatur; et cutis ob eum vasis laxatis, materia exhalanda facilius emanet: In hac enim regione, coeli temperies saepe et cito mutatur, adeo ut aer calidus subito frigescat, viceque versa, igitur necesse erit, ut simili modo varietur exhalatio. Nunc ideo sudore corpus madet, nunc frigore horrescit. Debilibus atque teneris haec sanguinis distributio inaequalis vix potest non nocere; exinde forsan in hac insula frequens et lethalis grassatur *Phthisis*. Cavendum est igitur aegroto, ne calori magno, cutis meatus nimium recludenti, nec frigori eosdem coarctanti, seipsum objiciat.

Ad idem quoque Exercitatio (II. a. bb.) prodest; verum de genere ejus aptissimo haud apud medicos convenit. Hi, ut sagac. Sydenhamus, equitationem commendarunt: Illi autem contra, agitationem eam, quae inter navigandum fit, laudibus extulerunt. Videtur autem mihi, quod ab equitatione, sub morbi initium, omnia quae ejus malignitatem signant, in pejus prolabantur; quinetiam, proveciori morbo, vires collabentes et marcor nocebunt equitanti. Sin autem contrariae sint res, leniter quidem, et citra lassitudinem, equitare licet; exercitatio quanquam haecce, musculos quosdam valide exercens, vix tantum adfert commodi, quantum defatigationem ab ea orientem compenset.

penſet. In rheda vehi, me iudice, per vias planas longe praeſtat ; multo melius enim debilioribus convenit geſtatio talis. Navigationem inſuper quidam, atque motus ei neceſſarios, valde laudaverunt. A Gilchriſt \* medico perito, de beneficiis a curſu maritimo acceptis, et aegris quaſi ab ipſa lethi domo ſurreptis, proferuntur multa : In propatulo nequaquam modus quo proficitur a mari tantum ; nec enim, ut alii volunt, exercitationi, nec niſui fere perpetuo vomendi ſolis, ſunt adſcribendi fructus. Sed rectius forſan aeri, qui oceano incumbit, magis ſincero ; eidem, necnon, quod ad temperiem, magis aequabili.

Utcunque vero haec ſint, tentandum eſt mare, ſi vires aegri ſufficiant.

II. a. cc. Porro, ut mala a cutis halitu ſuppreſſo oriunda evitentur, ad regiones coelo modice calido, aequabili, et ſereno gaudentes, nec aquilone ſubito perſtriſtas, eundum eſt. *Galliae* pars australis, *Italia*, *Luſitania*, *Maderae* necnon inſulae, huic conſilio potiffimum convenientes eſſe dicuntur : Atque revera in eas regiones *Phthiſici* complures, non ſine feliciffimo eventu, confugerunt : Aetate ſub Jove tam benigno quaſi integrata, *Phthiſi* evaneſcente, viribus reſumptis, pulmonibus fere liberatis, vita necnon uſque ad ſenectutem ſaepe perducenda. Suadendum igitur hoc, quum pares ſint aegri vires.

Hic

\* On the uſe of ſea voyages, &c.



Hic competit admonere aegros, ut sub hoc nostro mutabili coelo, magisque fortassis in calidiore, a vespere aestivo madido et irrorante, ut et hyemali admodum frigente, caveant, atque ab eo, quantum possunt, seipsos tueantur; multa etenim mala incautis frigus vespertinum attulit.

Fugienda sunt quoque urbes et oppida, ubi mortaliū glomerantur millia; utpote quorum aër focus, plurimis fumantibus, omnigenis vaporibus, atque hominum innumerorum, et sanorum et morbis tabentium, halitu, quam maxime inquinatur. Ast optanda sunt loca procul ab urbibus; quorum aër non valde friget, quaeque nec aspero Boreae, nec Euro patent; sed afflantur Austro leni et tepido. Absint quoque paludes halantes, profundaeque sylvae.

II. b. aa. Locales praeterea exinanitiones quaedam, ad sanguinem a corporis interaneis divertendum, haud parum conferunt, *Epispastica*, scil. setacea, et fonticuli; profuerunt etenim in pectoris sublevandis morbis. Inchoante igitur morbo admoveantur, quum, jam a pectore inter tuſſiendum magis dolente, tubercula inflammanda videntur esse. Ad haec remedia quoque decurrendum est, si, venaesectione saepe incassum celebrata, auxilioque ferme omni alio irritato cedente, manent adhuc pulmonis laesi signa: Atque haec, quam proxime partiti, quae male se habet, applicanda sunt; ulcusque, quod faciunt, apertum, ope cujuscvis unguenti stimulantis, fervandum.

Quum

Quum vero pulmonum et dolentium atque gravatorum, signa nequaquam, venaesectioni auxiliisque aliis antehac memoratis, cefferint, cucurbitulis cruentis juxta partem male affectam admotis, sanguinem detrudere fortasse profit; convenit autem tale remedium praecipue cum, quoniam sanguinis detractio generalis aegri vires frangere solet, debilitatis ab ea auctae periculum urgeat.

*Emetica* (II. c.) insuper, quae sanguinem ad corporis exteriora propellere probata sunt, initio praesertim morbi, ad tale consilium perficiendum valere, nequaquam absimile est: Commodum quoque forsan praestare possunt, ventriculum a saburra liberando. Atqui revera cum istis †, qui valde crebro iisdem uti vellent, consentiendum est nequaquam: Ventriculo enim signa, quae *Emetica*, ut censent illi, postulant, in *Phthisi* vix unquam adsunt; nam cibum appetit et concoquit aeger; atque ideo vix iisdem opus est. Vomitus praeterea assiduum, ventriculo, et toti ideo corpori, atoniam non illaturum, mihi haud liquet. Sed atonia illa, et ejus debilitas, sunt semper et sedulo evitandae. Et certe, in *Phthiases* stadiis ultimis, vomendi nifus delumbes tunc aegros lassantes, maximae perniciiei erunt.

Quaedam vero, cum jam in periculo summo versetur, nec superest spes restaurandae sanitatis, sola medici attentionem vendicant. Ea enim sunt mitiganda,  
quae

† Reid on Phth. Pulmon.



quae ipsum quasi obitum molestant, dies inquietant, et taedio protrahunt noctes. Inter ea est tussis, Opio (III. a. aa.) pacanda: Non autem sub mali initium, quum inflammationis pulmones accendentis maneant signa, ob *Diatthesin phlogisticam* ab eo auctam, adhibendum est hoc medicamentum: Subministrandum nunc equidem, rebus omnino versis, quia tussim leniat, consiliatque somnum. Ac, quamvis sputum mane iterum facilius excernendum, paululum reprimat, sudoresque nocturnos largius emanare faciat, moribundo nihilominus levamen haud exiguum adfert; et idcirco praestans est \*.

Ad tussim quoque levandam, suadenda sunt ea, quae *Demulcentia* (III. a. bb.) appellantur; atque ex his *Mucilaginosas* potius quam oleosas; rancida enim fieri solent haec; ideoque nimis irritantia fastidium inducunt. Conveniunt autem *Mucilaginosas*, folia tuffilaginosis, sem. cydonior. lini, amyllum †, rad. althaeae, g. Arab. et tragacanth. mucilagines, sub variis formis usurpata.

Opio (III. b. aa. insuper *Diarrhoea* cohibenda est: Ad hoc igitur consilium, ut et illud, adhibendum. Sumenda quoque, quae modice astringunt (III. b. bb.) qualia sunt alumen, creta, corallium, cc. quaeque ab iis parantur; ut etiam gum. kino, fang. draconis, terra Japonica, multaque hujusmodi.

*Muci-*

\* Collen's first lines, vol. ii. p. 422.

† Clar. Home's Clinical Exp. p. 125.

*Mucilaginosus* (III. b. cc.) praeterea jam memoratis (III. a. bb.) utendum : Cum quibus annumerari potest *Lichen Islandicus*, ob ejus, quod ad *Diarrhoeam* compescendam, et tussim sedandam, dotes valde celebratus.

Acida (III. b. dd.) quoque ad alvum sistendam perutilia sunt, ut et ad sudores nocturnos coercendos. Ex iis acidum *vitriolicum* vi ejus antiseptica humoribus obstat putrescentibus, corporis calorem temperat, sudoresque liquantes cohibet ; valentius autem adstringentibus quam aromaticis conjunctum videtur esse \*. *Hecticis* necnon insigniter profunt, quia *antiseptica* sunt acida *Vegetabilium* propria, fructuum nempe subacidorum †.

Restat hic solummodo, ut pauca de remediis quaedam, in hoc morbo nonnunquam adhibitis equidem, sed qualia vix inter consilia jam recensita convenerit amplecti, proferam ; atque ea sunt cortex *Peruvianus*, aquae quodammodo medicatae, balsama, et resina, *Hydrargyrus*, et cicuta.

Vix unquam prodest, quanquam saepe in *Phthisi* usurpatus fuerit, cortex *Peruvianus* : Adeo ut inter medicos eundem haud raro nocere conventum sit ‡ : *Dyspnoeam* intendit, dolorem atque tussim adauget :  
Haec

\* Fothergil. sagax. med. obs. et inquiries, vol. v. p. 345.

† Cullen's first lines, vol. ii. p. 423.

‡ Ibid. first lines, vol. ii. p. 420. Fotherg. med. obs. et Inq. vol. v. loco jam citato. Home's cl. exp. p. 120.



Haec vero praecipue efficit inchoante morbo ; nec unquam eo provectiori, quamvis in matutinis febris *hecticae* remissionibus assumptus accessioni exinde frequenti occurreret, febrim omnino sustulit : Illa enim denuo in pejus ruens, cito recrudit.

Nec defuere qui crediderunt, quasdam aquas, seu natura seu arte medicatas, multum in hoc morbo profecisse. Maxime inter has notantur aquae *Bristolensis*, et *Seltzeranae*, utpote aëre fixo imbutae : Ista praeterea quae apud *Matlock* scatent, quamvis iis aër *fixus* haud adfit, commendantur. Aër necnon iste *mephiticus* inhalatus, id quod expuitur reddit minus foetidum, magisque idcirco, ut loquuntur *Chirurgi*, laudabile \*. Corpus quoque firmat † ; exinde laudes.

Stimulant autem nimis, propter olea sua essentialia, vaporesque eorum quos edere cogantur, balsama et resinae ; ideoque hodie evitantur. Immo nunquam profuit, aliquando fuit detrimento G. Myrrha ‡, nuper tantum quod ad *Phthisin* laudatum.

*Hydrargyrus*, postremo, ulceribus externis adeo utilis, *Phthisicorum* pulmonibus labe tali correptis, nil attulit commodi : Stimulat enim nimis, inflamat, et propterea nocet.

Nec, quanquam efficax in ulceribus pravis, cicuta, *Phthisicos*, quantum novimus, unquam juvit.

\* Percival's Essays, vol. 2. p. 72.

† Home's Cl. Exp. p. 125.

‡ Ferri lines, vol. ii. p. 419.

E M E N D A N D A.

Pag. 4. lin. ult. *pro frebris lege febris.*

5. 4. *pro haec lege hac.*

5. 12. *pro fiunt lege fiunt.*

6. penult. *pro frebrem lege febrem.*

11. 11. *pro Accid lege Acid.*

17. 24. *pro prevenerint lege pervenerint.*

24. 13. *pro occurrit lege occurrit.*



